



UNDANG-UNDANG MALAYSIA

VERSI ATAS TALIAN TEKS
CETAKAN SEMULA YANG KEMAS KINI

Akta 236

AKTA RESIT DEPOSIT PERBENDAHARAAN 1952

Sebagaimana pada 1 Januari 2013

AKTA RESIT DEPOSIT PERBENDAHARAAN 1952

Pertama kali dibuat 1952 (Ordinan P.T.M.
No. 66 Tahun 1952)

Disemak 1980 (Akta 236 m.b.k.
17 Julai 1980)

SEMAKAN YANG TERDAHULU

Semakan Yang Pertama 1980

UNDANG-UNDANG MALAYSIA

Akta 236

AKTA RESIT DEPOSIT PERBENDAHARAAN 1952

SUSUNAN SEKSYEN

Seksyen

1. Tajuk ringkas
2. Tafsiran
3. Deposit perbendaharaan
4. Tempoh deposit perbendaharaan
5. Resit deposit perbendaharaan
6. Pemindahan resit deposit perbendaharaan
7. Faedah
8. Pembayaran balik deposit perbendaharaan
9. Deposit perbendaharaan dan faedah adalah suatu tanggungan ke atas Kumpulan Wang Disatukan.
10. Perwakilan kuasa dan tugasnya oleh Menteri Kewangan
11. Perwakilan kuasa dan tugasnya oleh Menteri Kewangan
12. Kesalahan

JADUAL

UNDANG-UNDANG MALAYSIA

Akta 236

AKTA RESIT DEPOSIT PERBENDAHARAAN 1952

Suatu Akta untuk memberi kuasa kepada Menteri Kewangan untuk menerima wang secara deposit bagi tempoh tetap dan untuk membayar faedah ke atasnya dan bagi maksud yang berkaitan dengannya.

[24 November 1952]

Tajuk ringkas

1. Akta ini bolehlah dinamakan Akta Resit Deposit Perbendaharaan 1952.

Tafsiran

2. Dalam Akta ini, melainkan jika konteksnya menghendaki makna yang lain—

“deposit perbendaharaan” ertinya apa-apa wang yang didepositkan menurut seksyen 3;

“resit deposit perbendaharaan” ertinya resit yang diberi menurut seksyen 5.

Deposit perbendaharaan

3. (1) Menteri Kewangan adalah dengan ini diberi kuasa untuk menerima bagi pihak Perbendaharaan Persekutuan pada bila-bila masa dan amaun maksimum setakat yang dia boleh tetapkan dari semasa ke semasa deposit daripada mana-mana orang sejumlah lima puluh ribu ringgit atau angka kandungan lima puluh ribu ringgit:

Dengan syarat bahawa jumlah amaun wang yang diterima sedemikian dan tidak dibayar balik secara deposit pada suatu masa hendaklah tidak lebih daripada *dua ratus juta ringgit, atau suatu jumlah selanjutnya sebagaimana dibenarkan dengan ketetapan oleh Dewan Rakyat.

(2) Jumlah yang diterima di bawah seksyen ini hendaklah digunakan, dan adalah dengan ini diperuntukan, bagi maksud berikut:

- (a) membayar baik wang yang diterima di bawah Akta ini, setakat mana yang ditentukan oleh Menteri Kewangan;
- (b) membayar, dengan kelulusan Dewan Rakyat terlebih dahulu yang dinyatakan dengan ketetapan, ke dalam Kumpulan Wang Pembangunan yang dinyatakan dalam Jadual Kedua Akta Prosedur Kewangan 1957 [*Akta 61*], bagi maksud Kumpulan Wang itu.

Tempoh deposit perbendaharaan

4. Seseorang yang membuat deposit di bawah seksyen 3 hendaklah sesudah itu mengisytiharkan tempoh yang berkenaan dengannya deposit itu dibuat, dan tempoh itu hendaklah sama ada dua, tiga, empat atau lima tahun dari tarikh membuat deposit itu; dan pada akhir tempoh itu wang yang didepositkan sedemikian hendaklah dibayar balik mengikut cara yang diperuntukan kemudian daripada ini.

Resit deposit perbendaharaan

5. Menteri Kewangan hendaklah memberi resit mengikut bentuk dalam Jadual bagi tiap-tiap deposit perbendaharaan.

*Sebagaimana dibenarkan oleh Majlis Perundangan melalui ketetapan pada 12 September 1956—*Lihat* Hansard tahun 1956 muka surat 1529.

Pemindahan resit deposit perbendaharaan

6. Resit deposit perbendaharaan boleh dipindahkan secara pengendorsan dan serahan.

Faedah

7. (1) Faedah hendaklah dibayar ke atas semua deposit perbendaharaan menurut seksyen ini.

(2) Menteri Kewangan hendaklah dari semasa ke semasa melalui perintah yang diberitahu dalam *Warta* menetapkan kadar faedah yang akan dibayar bagi setahun ke atas deposit perbendaharaan yang berlainan jangka masa.

(3) Kadar faedah yang akan dibayar ke atas mana-mana deposit perbendaharaan hendaklah kadar yang berkuat kuasa pada tarikh membuat deposit itu.

(4) Faedah ke atas semua deposit perbendaharaan hendaklah kena dibayar setiap tahun pada hari ulang tahun tarikh membuat deposit itu hendaklah dibayar kepada pemegang resit deposit perbendaharaan berkaitan dengan deposit itu di Perbendaharaan Persekutuan apabila resit deposit perbendaharaan tersebut dikemukakan kepada Menteri Kewangan, yang hendaklah mengendorskan butir-butir tentang tarikh dan amaun faedah yang dibayar sedemikian di belakang resit deposit perbendaharaan tersebut; dan endorsemen itu hendaklah menjadi keterangan muktamad bahawa faedah yang dinyatakan dalam endorsemen itu telah dibayar.

(5) Tiada apa jua faedah boleh dibayar atau kena dibayar ke atas mana-mana deposit perbendaharaan selepas tamat tempoh bagi mana deposit itu telah dibuat.

Pembayaran balik deposit perbendaharaan

8. (1) Sesuatu deposit perbendaharaan hendaklah dibayar balik apabila cukup tempohnya kepada pemegang resit deposit perbendaharaan berkaitan dengan deposit itu apabila dia

menyerahkan resit deposit perbendaharaan tersebut kepada Menteri Kewangan.

(2) Tiada apa jua deposit perbendaharaan boleh dibayar balik kecuali apabila diserahkan resit deposit perbendaharaan berkenaan dengan deposit itu kepada Menteri Kewangan untuk dibatalkan olehnya.

Deposit perbendaharaan dan faedah adalah suatu tanggungan ke atas Kumpulan Wang Disatukan

9. Wang berupa sebagai resit deposit perbendaharaan dan faedah ke atasnya adalah dengan ini dipertanggungkan ke atas dan hendaklah kena dibayar dari Kumpulan Wang Disatukan.

Resit Deposit perbendaharaan adalah bebas daripada duti setem

10. Tiada apa jua duti setem boleh dilevi atau kena dibayar ke atas sesuatu resit deposit perbendaharaan atau ke atas pemindahan resit deposit perbendaharaan itu.

Perwakilan kuasa dan tugasnya oleh Menteri Kewangan

11. Menteri Kewangan boleh mewakilkan mana-mana atau semua kuasa atau tugas yang diberi kepadanya oleh Akta ini kepada Akauntan Negara melalui pemberitahuan dalam *Warta*.

Kesalahan.

12. Seseorang yang memalsukan atau mengubah mana-mana resit deposit perbendaharaan atau mana-mana perkataan, nombor atau tanda, lambing, tandatangan atau faksimili ke atas atau yang terkepil kepada mana-mana resit deposit perbendaharaan dengan disedarinya yang resit deposit perbendaharaan, atau yang menawarkan atau mengedarkan atau melupuskan mana-mana resit deposit perbendaharaan dengan disedarinya yang resit deposit perbendaharaan itu dipalsukan atau diubah, apabila disabit, boleh

dikenakan penjara selama tempoh tidak lebih daripada lima belas tahun.

JADUAL

(Seksyen 5)

AKTA RESIT DEPOSIT PERBENDAHARAN 1952**RESIT DEPOSIT PERBENDAHARAAN**

Menteri Kewangan adalah dengan ini mengaku menerima deposit dalam
Perbendaharaan Persekutuan sebanyak RM.....
(dengan perkataan.....) oleh
.....dari.....
Bagi tempoh.....tahun dengan.....
peratus faedah setahun.

Bertarikh pada.....haribulan.....19.....

.....
(Tandatangan)
Menteri Kewangan

UNDANG-UNDANG MALAYSIA**Akta 236****AKTA RESIT DEPOSIT PERBENDAHARAN 1952****SENARAI PINDAAN**

Undang-undang yang meminda	Tajuk ringkas	Berkuat kuasa dari
L.N. 46/1955	Ketetapan Majlis Perundangan	19-01-1958
L.N. 113/1956	Perintah Menteri Kewangan 1956	05-04-1956
Ord. 66/1957	Ordinan Resit Deposit Perbendaharaan (Pindaan) 1957	19-12-1957
L.N. 332/1958	Ordinan Perlembagaan Persekutuan (Pengubahsuaian Undang-Undang) (Ordinan dan Perisytiharan) 1958	13-11-1958
Akta 3/1959	Akta Resit Deposit Perbendaharaan (Pindaan) 1959	31-12-1959
Akta 160	Akta Mata Wang Malaysia (Ringgit) 1975	29-08-1975

UNDANG-UNDANG MALAYSIA**Akta 236****AKTA RESIT DEPOSIT PERBENDAHARAN 1952****SEKSYEN YANG DIPINDA**

Seksyen	Kuasa meminda	Berkuat kuasa dari
3	L.N. 46/1955	15-01-1955
	L.N. 113/1956	02-04-1956
	Ord. 66/1957	19-12-1957
	Act 23/1961	01-01-1958
	L.N. 332/1958	13-11-1958
	Act 3/1959	31-12-1959
	Act 160	29-08-1975
4	Akta 3/1959	31-12-1959
	L.N. 113/1956	02-04-1956
7	L.N. 332/1958	13-11-1958
	L.N. 113/1956	02-04-1956
8	L.N. 113/1956	02-04-1956
11	L.N. 113/1956	02-04-1956
